



Халқ сўзи

Ўзбекистон — келажаги буюк давлат

2021 йил — Ёшларни қўллаб-қувватлаш ва аҳоли саломатлигини мустаҳкамлаш йили

1991 йил 1 январдан чиқа бошлаган

WWW.XS.UZ E-mail: Info@xs.uz

2021 йил 27 июль, № 156 (7936)

Сешанба

Сайтимизга ўтиш учун QR-кодни телефонингиз орқали сканер қилинг.



Янги Ўзбекистонда эркин ва фаровон яшайлик!

БУНЁДКОРЛИК ЛОЙИХАЛАРИ МУҲОКАМА ҚИЛИНДИ

Президент Шавкат Мирзиёев 26 июль куни маданият, тиббиёт, савдо ва хизмат кўрсатиш иншоотлари қурилишига оид лойиҳалар тақдими билан танишди.

Аввал хабар берилганидек, Алишер Навоий номидаги Ўзбекистон Миллий боғи ҳудудида замонавий кутубхона барпо этилиши режалаштирилган. Унинг дастлабки тархи бир ой аввал тақдимот қилинган, бугунги кунда давлатимиз раҳбарининг тавсиялари асосида такомиллаштирилган.

Масалан, кутубхона биносининг ташқи кўриниши юртимиздаги қадимий обидаларга уйғун тарзда лойиҳалаштирилган. Улкан китоб фондиди сақлаш, мутолаа, маданий ҳордиқ чиқариш, турли тадбирлар ўтказиш билан боғлиқ барча жиҳатлар инобатга олинган.

Тақдимотда кутубхона лойиҳаси батафсил кўриб чиқилди.

Давлатимиз раҳбарига онкология ва гематология шифохоналарини ташкил этиш бўйича қилинаётган ишлар тўғрисида ҳам маълумот берилди.

Маълумки, шу йил 27 май куни "Аҳолига гематология ва онкология хизматларини кўрсатиш тизимини янада такомиллаштириш тўғрисида"ги Президент қарори қабул қилинган эди. Ушбу қарорга мувофиқ, Республика ихтисослаштирилган онкология ва радиология илмий-амалий тиббиёт маркази учун янги иншоот қуриш белгиланган.

Шу мақсадда Тошкент тиббиёт академияси клиникаси ҳудудидан 5 гектардан зиёд ер ажратилган. Хорижий тиббиёт муассасаларининг илгор тажрибаси, шифокор ва беморлар учун барча шароитлар ҳисобга олиниб, лойиҳа ишлаб чиқилган. Хусусан, бу борада Корея Республикасининг "Daedong Medical Consulting" компанияси билан ҳамкорликда иш олиб борилмоқда. 50 дан ортқ консалтинг корхоналарини ўз ичига олган ушбу компания Жанубий Корея ва хорижий мамлакатларда 600 дан ортқ муассасалар қурилишида иштирок этган.

Президентимиз қарори асосида гематологияни ривожлантириш борасида ҳам сифат ўзгаришлари амалга оширилмоқда. Хусусан, Болалар гематологияси, онкологияси ва клиник иммунологияси алоҳида марказ сифатида ажратилиб, келгуси йилдан бошлаб Республика ихтисослаштирилган гематология илмий-амалий тиббиёт марказидан мустақил тарзда фаолият юритади. Бу икки марказ Тошкент шаҳри, Чилонзор тумани, Арнасой кўчасида янги қурилган замонавий биноларга жойлаштирилади.

Тақдимотда ушбу марказларни янги биноларга кўчириш бўйича олиб борилаётган ишлар қайд этиб ўтилди. Бугунги кунда ҳар иккала марказдаги барча хоналар зарур ускуна ва мебель билан жиҳозланган. Ҳар бир ўрин кислород нўқталари билан таъминланган. Кунлик 100 қатновга мўлжалланган амбулатор поликлиника ва стационар бўлимлар ташкил этилган. Оптик толали интернет асосида ишловчи электрон шифохона дастури жорий этилмоқда.

Шунингдек, бу ерда бактериологик, вирусологик лабораториялар ва виварий учун бинолар қурилиши режалаштирилган.

Ўзбекистон Республикаси Президентининг 2020 йил 12 ноябрдаги Фармонида мувофиқ, "Термиз" эркин иқтисодий зонаси ҳудудида Термиз халқаро савдо маркази ташкил этилмоқда. Шавкат Мирзиёев Сурхондарё вилоятига ташириш чоғида унинг бош режасини кўздан кечирган эди.

Умумий қиймати 75 миллион доллар бўлган ушбу марказ улкан ва кўп тармоқли бўлади. У ерда 1 минг 800 та савдо нўқтаси, қарийб 1 миллион тонна юк сифимида эга логистика маркази ва омборхоналар, 1 минг 600 квадрат метрлик экспомарказ, шунингдек, иккита меҳмонхона, хостел, шифохона, автомобиль устаноналари ва бошқа объектлар барпо этилади.

Марказ учун Термиз туманидан 26 гектар майдон ажратилиб, қурилиш ишлари бошлаб юборилган. Корпусларнинг биринчи қаватида савдо нўқталари, иккинчи қаватида енгил ишлаб чиқариш корхоналари жойлаштирилиши кўзда тутилган.

Халқаро савдо марказида махсус солиқ ва божхона режими, 10 кунгача визасиз тартиб, "ягона дарча" тамойили асосида хизмат кўрсатиш йўлга қўйилди. Натijaда ишлаб чиқариш ҳам, савдо ҳам ривожланади. Марказнинг йиллик савдо айланмаси 500 миллион доллар, экспорт қуввати 200 миллион доллар бўлиши мўлжалланган. Бу ерда жами 5 минг 600 дан зиёд иш ўринлари яратилиши мумкин.

Тадбирда Тошкент шаҳрида давлат объектларидан самарали фойдаланиш, Наманган вилоятида йўл бўйларидан савдо ва хизмат кўрсатиш шохобчалари ташкил этиш борасидаги режалар ҳам муҳокама қилинди.

Ў.А.



ОЛИМПИАДА КЎНДАЛИГИ

ИСТИҚЛОЛ ФАРЗАНДИ — ОЛИМПИА ЯЎИИЛАРИ ЧЕМПИОНИ!

Япониянинг Токио шаҳрида ўтказилаётган XXXII Ёзги Олимпия ўйинларида таэквондочимиз, мустақиллик йилларида туғилган вояга етган, ўз иқтидор, салоҳияти билан миллионлаб қабилини забт этган Улуғбек Рашитов олтин медални кўлга киритиб, Ватанимиз мустақиллигининг 30 йиллик байрамига ажойиб туҳфа ҳозирлади. Унинг ғалабаси шарафига Ўзбекистон байроғи баланд кўтарилиб, мадҳиямиз янгради.

Ёш спортчимизнинг мазкур муваффақияти халқимизга олам-олам кўнчон бағишлади. Ўзро давралардаги суҳбатларда ҳам юртдошларимиз бир-бирларини улкан ютук билан қутлар экан, натижалар тасодифий эмаслигини, пандемия билан боғлиқ мураккаб вазиятга қарамаздан, спортчиларимизнинг ну-

фузли мусобақага муносиб тайёргарлик кўриши учун зарур шарт-шароитлар яратиб берилгани, умуман, юртимизда ёшларнинг ўз ақл-заковати, истеъдодини тўла намойён этиши, маҳоратини муттасил ошириб боришига қаратилган эътибор ва ғамхўрлик самарасида халқро майдонларда Ватанимиз шон-шухрати-

ни улуғлашга қодир ўғил-қизлар етишиб чиқаётганини таъкидламоқда. Хусусан, 2017 йил 9 мартдаги "Ўзбекистон спортчиларини 2020 йил Токио шаҳри (Япония)да бўлиб ўтадиган XXXII Ёзги Олимпия ва XVI Паралимпия ўйинларига тайёргарлик кўриш тўғрисида"ги Президент қарорига мувофиқ, Ўзбекистон Мил-

лий олимпия кўмитасининг бу бўйича ишлаб чиққан стратегияси асосида ҳар бир спортчининг тайёргарлигига индивидуал ёндашилди.

Ўзбекистон спортчиларини 2020 йил Токио шаҳри (Япония)да бўлиб ўтадиган XXXII Ёзги Олимпия ва XVI Паралимпия ўйинларига тайёргарлик бўйича Республика комиссияси қарорига мувофиқ, Олимпиядада иштирок этиш ҳуқуқини кўлга киритган ҳар бир спортчига 100 миллион сўм, унинг мураббийига эса 50 миллион сўмдан бир марталик рағбатлантириш пули берилиши белгиланди.



Ўзбекистон Республикаси Олий Мажлиси Сенати Кенгашининг мажлиси тўғрисида АХБОРОТ

2021 йил 26 июль куни Ўзбекистон Республикаси Олий Мажлиси Сенати Кенгашининг мажлиси бўлиб ўтди. Мажлисни Олий Мажлиси Сенати Раиси Танзила Норбоева олиб борди.

Мажлисида Ўзбекистон Республикаси Олий Мажлиси Сенатининг ўн еттинчи ялпи мажлисини 2021 йил 30 июль куни чақириш тўғрисида қарор қабул қилинди.

Видеоконференцалоқа тарзида ўтказиладиган ялпи мажлисда бир қатор масалалар муҳокама қилиниши режалаштирилган. "Ўзбекистон Республикаси аҳолиси ва ҳудудининг сейсмик хавфсизлигини таъминлаш тўғрисида"ги, "Лицензиялаш, рўқсат бериш ва хабардор қилиш тартиб-таомиллари тўғрисида"ги Ўзбекистон Республикаси Қонуни қабул қилинганлиги муносабати билан Ўзбекистон Республикасининг айрим қонун ҳужжатларига ўзгартиш

2021 йил 15-16 июль) якунларидан келиб чиқадиган вазифалар тўғрисидаги масала кўриб чиқилиши назарда тутилган.

Шу билан бирга, 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини "Ёшларни қўллаб-қувватлаш ва аҳоли саломатлигини мустаҳкамлаш йили"да амалга оширишга оид Давлат дастурининг 2021 йилнинг биринчи ярим йиллигидаги ижроси юзасидан Вазирлар Маҳкамасининг ҳисоботи, ички ишлар вазирининг ҳуқуқбузарликларнинг олдини олиш ва уларнинг профилактикаси ҳолати тўғрисидаги ҳамда Экология ва атроф муҳитни муҳофаза қилиш давлат қўмитаси раисининг давлат ўрмон фондига кирмайдиган дарахт ва буталарнинг кесилишига доир ахборотлари эшитилиши режалаштирилган.



Қонунчилик палатаси фракцияларида

Давлат дастури ижроси: қайси бандлар депутатлар эътирозига сабаб бўлмоқда?

ЎзЛиДеП аъзолари Ҳукумат ҳисоботини қандай баҳолади?

Олий Мажлиси Қонунчилик палатасидаги ЎзЛиДеП фракциясининг навбатдаги йиғилишида Ўзбекистон Республикасининг 2021 йилга мўлжалланган Давлат дастурининг биринчи ярим йилликдаги ижроси юзасидан Вазирлар Маҳкамасининг ҳисоботи эшитилди.

Ҳукумат томонидан тақдим этилган ҳисоботда келтирилишича, ўтган давр мобайнида Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини "Ёшларни қўллаб-қувватлаш ва аҳоли саломатлигини мустаҳкамлаш йили"да амалга оширишга оид Давлат дастури ижросини таъминлаш борасида бир қатор ишлар амалга оширилган.

Хусусан, давлатимиз раҳбарининг шу йил 8 июндаги тегишли қарори билан Бандлик ва меҳнат муносабатлари вазирлиги тизимида қўшимча равишда 28 та касб-хунарга ўқитиш маркази, 864 та фуқаролар йиғинида маҳалла аҳолисини касб-хунарга ўқитиш масканлари, вазирлик ва идоралар тизимида бўлган 18 та профессионал таълим муассасасида вазирликнинг қисқа муддатли

касб-хунарга, хорижий тилларга ва тадбиркорлик кўникмаларига ўқитиш курслари ташкил этилиши белгиланган.

Йиғилишда фракция аъзолари партия мақсад ва вазифаларидан келиб чиққан ҳолда, Давлат дастурининг иқтисодий ривожлантириш борасида амалга оширилган ишлар, эришилган натижаларга алоҳида эътибор қаратди.

Депутатлар тадбиркорлик субъектларининг экспорт фаолиятини давлат томонидан қўллаб-қувватлаш ва рағбатлантиришга қаратилаётган алоҳида эътибор туфайли экспорт йўналишида республика бўйича экспорт ҳажми 7 миллиард 55 миллион долларга ёки ўтган йилнинг мос давридагига нисбатан ўсish суърати 112,3 фоизга етганини ижобий баҳолади.

Шунинг боробарида, фракция аъзолари ҳисобот юзасидан таҳлилий-танқидий саволлар берди. Хусусан, Давлат хизматлари агентлигини тўлиқ электрон тизимга ўтказиш бўйича мавжуд камчиликларга оид саволлар ўртага ташланди ва 2021 йил якунига қадар бу ишларни тўлиқ амалга ошириш кўзда тутилгани мазмунида жавоб олинди.



(Давоми 2-бетда).